



Eolas do Cheannairí Sonraí an Phoist



Post mar Cheannaire



Bíonn ceannairí á lorg againn chun oibriú ar na cúrsaí samhraidh le foghlaimoirí óga Gaelainne. Má cheapann tú go mbeadh suim agat teacht ag obair linn i rith an tsamhraidh; léigh tuilleadh anso...



Post mar Cheannaire



An saghas duine atá á lorg againn:

- Duine ós cionn 18 go bhfuil Gaelainn mhaith labhartha acu.
- Suim a bheith agat i spreagadh na Gaelainne i measc foghlaimoirí óga.
- Duine fuinniúil, lán de bheocht, atá sásta oibriú i measc na scoláirí.
- Duine atá sásta rincí, ceol, drámaíocht, spórt, etc. a eagrú agus a stiúradh, le tacaíocht ó na múinteoirí.
- Duine atá sásta comhoibriú le Múinteoirí, Príomhoidí, Scoláirí agus Mná/Fir Tí.
- Duine atá sásta cabhrú le Bean/Fear an tí nuair is gá.
- Duine gur mhaith leo cúpla seachtain nó samhradh iomlán a chaitheamh i lár na Gaeltachta i gCorca Dhuibhne.
- Má tá taithí á lorg agat ag oibriú le daoine óga i suíomh spreagúil Gaelainne, b'fhéidir gur seo an post samhraidh duitse!

Post mar Cheannaire

Clár Ama an lae:

Oibríonn na ceannairí

6 lá sa tseachtain:



Maidin:

- Cabhrú le Bean/Fear an tí na scoláirí a ullmhú don lá.
- Siúl leis na scoláirí, nuair is gá, go dtí an gColáiste.
- Cabhrú leis an bPríomhoide / Múinteoir.
- Feitheoireacht ag briseadh na maidine i dteannta na múinteoirí.

Tar éis lóin:

- Feitheoireacht i dteannta na múinteoirí ag am lóin.
- Páirt a ghlacadh in imeachtaí an tráthnóna, m.sh. cluichí ar an dtráigh, Spóirt Uisce, turasanna áitiúla.
- Siúl abhaile leis na scoláirí, nuair is gá, timpeall 4pm.

Oíche

- Freastal ar an gCéili leis na scoláirí ón 7.30-9.30pm.
- Cabhrú an rince a mhúineadh dóibh.
- Páirt a ghlacadh ag an gCéili.



Post mar Cheannaire

Dualgaisí na gCeannairí



1. Caithfidh ceannairí Gaelainn a labhairt an t-am ar fad agus iad ag obair dúinn agus glacadh le treoracha ón bPríomhoide nó ó ionadaí an Phríomhoide.
2. Caithfidh gach ceannaire a bheith os cionn ocht mbliana déag d'aois. Is féidir eisceacht a dhéanamh de seo maidir le cúntóirí áitiúla.
3. Ní mór freastal gach maidin ar chruinniú leis an bPríomhoide chun obair an lae a leagadh amach.
4. Beidh tráthnóna agus oíche sa tseachtain saor ag ceannairí. (Socróidh an Príomhoide an t-am).
5. Níl seiceáil na dtithe mar dhualgas ar cheannairí agus níl sé mar dhualgas ar cheannairí scoláirí a thógaint ina ngluaisteán féin.
6. Cabhrú leis an bPríomhoide i ngach sli, mar shampla; cabhrú le múinteoirí ar an dtráigh, cluichí a eagrú, moltóireacht ar chomórtaisí, labhairt na Gaelainne a spreagadh, céilithe a eagrú, sábháilteacht ar na bóithre, agus cúraimí eile.
7. Beidh ar na ceannairí cabhrú timpeall an tí ar threoir Bean / Fear an tí.
8. Gearáin agus moltaí na scoláirí a thabhairt don bPríomhoide.
9. Ba chóir go mbeadh plan fadtéarmach scríofa ag gach ceannaire maraon le plan d'imeachtaí gach lae. (Ba chóir go mbeadh an plan seo le fáil ag Cigire na Roinne.)
10. Cuntas scríofa a chur ar fáil do Choláistí Chorca Dhuibhne ag deireadh an chúrsa.
11. Beifear ag súil go mbeidh gach ceannaire ábalta ar deighleáil leis na páirtnéirí éagsúla i.e Foireann Teagaisc, Mná Tí, Daltaí, Cigirí, go gairmiúil proifisiúnta.
12. Beidh na ceannairí i bhfeighil glanadh na n-ionad éagsúla.
13. Beifear ag súil go gcoiméadfadh na ceannairí ord agus eagar ar na háiseanna teagaisc, rince & spóirt a bheidh sna hionaid éagsúla.
14. Tá sé de cheart ag Coláistí Chorca Dhuibhne ceannairí a aistriú go cúrsa eile nó lóistin eile am ar bith.
15. Íoctar liúntas seachtainiúil le gach ceannaire agus cuirtear lóistin agus bia ar fáil dóibh. Bíonn uaireanta a chloig áirithe saor i rith an lae chomh maith, é seo le plé leis an bPríomhoide.

Post mar Cheannaire

Lóistín na gCeannairí



Bean / Fear an tí nó Coláiste Cónaithe

Fanann na Ceannairí i dithe áitiúla le Mná/Fir Tí nó i gColáiste Cónaithe, ag brath ar an rogha cúrsa a chuireann siad ar an bhfoirm iarratais, agus ag brath ar an lóistín atá ar fáil againn. Cuirtear an lóistín agus bia ar fad ar fáil do cheannairí don gcúrsa.




Coláiste Cónaithe - Coláiste Íde



Tá Coláiste Íde lonnaithe cúpla míle siar ó Bhaile an Daingin. I rith na bliana is meánscoil chónaithe do chailíní é agus i rith an tsamhraidh, fanann scoláirí ó Choláistí Chorca Dhuibhne ann.

Post mar Cheannaire

An Ceannaire tusa?



- Is taithí iontach é seo d'éinne gur mhaith leo cúpla sechtain a chaitheamh i nGaeltacht Chorca Dhuibhne ag spreagadh daoine óga chun Gaelainn a labhairt.
- Faigheann na ceannairí blaiseadh do shaol na Gaeltachta agus iad ag maireachtaint i measc na ndaoine agus taithí luachmhar ag obair le daoine óga.
- Is post spreagúil, tairbheach, sásúil é seo, a bhíonn dúshlánach uaireanta, ach fiúntach!
- Bíonn rogha ag ceannairí teacht ag obair ar chúrsa seachtaine, coicise nó níos faide.
- Má tú suim agat iarratas a chur isteach ar phost mar cheannaire, líon an fhoirm iarratais isteach ar ár suíomh ag www.colaiste.ie